

جملہ کتب  
تکنیکل ہذا



Mei - Ogos 2009 Edisi Kedua

# BULETIN hepa

UNIVERSITI TEKNIKAL MALAYSIA MELAKA

Ikhlas daripada  
PROF. DR. AHMAD YUSOFF BIN HASSAN  
Naib Canselor  
Universiti Teknikal Malaysia Melaka

Ikhlas daripada  
PROF. DR. ZOLKEPLI BIN BUANG  
Dekan HEPA  
Universiti Teknikal Malaysia Melaka

LB  
3602  
.B84  
2009  
a  
v2



ISSN 2180 - 0499



LB3602 .B84 2009 v2



87515885

# KATA EDITOR

## Isi Kandungan

<b>FENAS</b>	<b>04</b>
Minggu Haluan Siswa Siri 2009/10	05
Kursus Asas Pengukuhan Pemimpin Orientasi 2009	06
<b>HAFOS</b>	<b>07</b>
Bakti Siswa Siri 1 & 2 2009	08
Pertukaran Budaya UTeM - UMS	09
Ekspedisi Minda & Adikku Cemerlang	10
Debat Perpaduan	11
UTeM di Dada Akhbar	
Xplorasi Merungkai Badai Belantara	14
Bengkel Pemantapan Dikir Barat	15
Ihya' Ramadhan	16
<b>PEMANGKIN 2009</b>	<b>17</b>
Majlis Perjumpaan YB Timbalan Menteri Pengajian Tinggi Malaysia	18
Festival DEKON MAKUM 2009	19
Rehlah Mahabbah 2009	20
UTeM ke-9 Terbaik Sukan MASUM 2009	21
Info Penempatan Pelajar	22

Assalamualaikum Warahmatullahi Wabarakatuh dan Salam Sejahtera.




Selamat bertemu kembali pada Buletin edisi ke-2 sesi 2009 ini. Alhamdulillah, bersempena dengan bulan Syawal ini, saya ingin mengucapkan Selamat Hari Raya Maaf Zahir dan Batin kepada semua warga kampus UTeM. Selesaikanlah sambutan Aidilfitri yang mulia ini dengan penuh keikhlasan beserta ketaqwaan kepada-Nya. Meskipun Bulan Ramadhan telah berlalu, namun saya berharap agar setiap daripada kita semua masih lagi tekun dalam mempertingkatkan amal ibadat seharian dan senantiasa terlindung di bawah naungan-Nya yang Esa.

Tanamkan kegigihan dan minat yang mendalam dalam apa jua bidang ilmu di dunia mahupun di akhirat agar dapat membuahkan kejayaan dan kesejahteraan. Dalam kehidupan di dunia, kita amat dituntut mempelajari pelbagai ilmu dengan keikhlasan kerana Allah S.W.T. Imam Abu Hanifah pernah berkata, orang yang mencari ilmu pengetahuannya hanya bagi kebaikan dunia sahaja, ilmu pengetahuannya itu tidaklah berakar di hatinya.

Imam Al-Ghazali menegaskan ilmu itu kehidupan hati daripada kebutaan, sinar penglihatan daripada kezaliman dan tenaga dari kelemahan. Islam amat memuliakan ilmu pengetahuan dan menyeru agar umatnya menjadi orang yang berilmu pengetahuan. Dalam hal ini, menuntut ilmu itu wajib bagi setiap makhluk sama ada tua atau muda. Ia digalakkan bagi mengangkat peradaban umat pada masa akan datang selain menjadikan seseorang itu belajar menjadi kreatif dan inovatif agar dapat menguasai budaya cipta, menghargai nikmat hidup dan anugerah-Nya kepada manusia di dunia ini. Masih belum terlewat untuk saya mengucapkan Selamat Hari Kemerdekaan ke-52, diharap agar kita dapat menyuburkan semangat patriotisme yang membara dengan mendedikasikan usaha tanpa berbelah bagi atas nama 1Malaysia. Marilah bersama-sama merealisasikan harapan negara yang lebih harmoni dan sejahtera untuk semua rakyat Malaysia seterusnya memastikan panji keramat Jalur Gemilang berkibar megah di persada dunia. Sekian.

Salam Perpaduan.



# Coretan Dekan HEPA

Assalamualaikum dan Salam Sejahtera.

Tahun 2009 kini menghampiri ke penghujung tahun. Pelbagai program, kejayaan dan sejarah telah dicatatkan dalam kalendar Bahagian Hal Ehwal Pelajar & Alumni (HEPA), UTeM. Pasti tahun ini memberikan satu cabaran yang besar namun sangat bermakna bagi kami semua dalam menguruskan dan mentadbir HEPA. Bagi mencapai visi dan misi, HEPA memikul tanggungjawab yang penting dalam memantapkan program pembangunan pelajar setanding dengan IPTA lain selain meningkatkan keupayaan kemahiran insaniah bagi membentuk peribadi mulia serta sahsiah yang cemerlang dalam diri setiap pelajar.


Di kesempatan ini, saya dan seluruh warga Bahagian Hal Ehwal Pelajar & Alumni, mengalu-alukan kehadiran Mahasiswa/i baru ke UTeM pada 28 Jun 2009 yang lalu dan tahniah kerana telah berjaya menamatkan Minggu Haluan Siswa sesi 2009/2010 dengan jayanya. Tanamkan keazaman dan kesungguhan yang jitu dalam mencapai kecemerlangan di dalam semua bidang khususnya akademik. Penglibatan dalam kokurikulum juga amat penting dalam membentuk citra, minda dan jiwa generasi muda, siswa dan siswi yang berdaya saing dalam pencapaian akademik yang menampakan keunggulan.

Tahap kecemerlangan dalam bidang akademik perlu sentiasa diberikan keutamaan oleh pelajar kerana ianya merupakan pengukur tahap seseorang pelajar. Justeru, pelajar perlu bijak mengimbangi antara akademik dan kokurikulum. Manfaatkan masa dengan sebaik-baiknya semasa masih bergelar pelajar di universiti dan rebutlah setiap peluang yang mendatang sebagai nilai tambah kepada tahap kredibiliti untuk bersaing dalam pasaran dan persekitaran dunia global yang sentiasa menuntut perubahan. Hargailah pelbagai cabaran dan rintangan yang mendatang untuk ditempuhi dan jadikanlah setiap cabaran itu sebagai pembakar semangat untuk meraih kecemerlangan dan kegemilangan.

Semoga pencapaian dan pengalaman sepanjang tahun 2009 ini menjadi penggerak dan pencetus semangat sebagai pelajar bagi mengejar kejayaan yang lebih cemerlang dan mencapai impian pada tahun baru nanti. Selamat maju jaya menjalani peperiksaan yang bakal menjelang.

Sekian, terima kasih.

**PROFESOR DR. ZOLKEPLI BIN BUANG**  
Dekan Hal Ehwal Pelajar & Alumni, UTeM



## FESTIVAL NASYID SELATAN 2009

# FENAS

18-20 Mei 2009 : Kumpulan Nasyid UTeM "Soutul Ummah" telah menghantar 5 orang peserta untuk menyertai pertandingan Festival Nasyid Selatan 2009 yang berlangsung di UiTM Segamat, Johor. Pertandingan ini telah disertai sebanyak 16 pasukan dari Universiti-universiti seluruh Malaysia. Walaupun pasukan UTeM gagal memenangi sebarang kategori, ianya mampu memberi keyakinan kepada peserta baru di masa hadapan selain meningkatkan mutu suara, vokal dan persembahan hasil pembelajaran yang diterima seterusnya mendalami irama nasyid dengan lebih mendalam melalui penghayatan lagu dan pemilihan lagu.

Oleh : Zaiti Bin Abbas



Oleh : Fitrihan Bin Azizhan

## XPDC WiAUMa-Sing Indonesia 2009

11-17 Jun 2009, Padang, Sumatera Barat, Indonesia : Ekspedisi Wisata AUTE M Gunung Merapi & Gunung Singgalang atau dikenali sebagai XPDC WiAUMa-Sing merupakan program pertama anjuran Persatuan Alumni UTeM (AUTE M) dengan kerjasama Unit Alumni dan Kerjaya, Bahagian Hal Ehwal Pelajar Alumni (HEPA) UTeM. Seramai 14 orang telah menyertai program ini yang bertujuan meluaskan aktiviti ke luar negara seterusnya membuktikan mahasiswa/i kelahiran UTeM bertaraf antarabangsa dan bersemangat tinggi selain menyemai semangat cintakan Universiti walaupun setelah tamat pengajian. Gunung Merapi merupakan sebuah gunung berapi terletak di Tanah Besar Sumatera yang masih aktif hingga saat ini. Berkecenderungan setinggi 2891.3 meter, gunung ini telah meletus sebanyak 454 kali dan terletak bertentangan Gunung Singgalang. Manakala, Gunung Singgalang pula berkecenderungan mencah 2877 meter dan merupakan gunung yang berpuncak masif. Ia juga mempunyai kawasan Hutan Dipterokrap Bukit, Hutan Dipterokrap Atas, Hutan Montane dan Hutan Ericaceous (Hutan Gunung). Selain aktiviti mendaki, para peserta juga berkesempatan melawat Politeknik Unand, Padang, Indonesia selain merasai suasana kehidupan masyarakat Padang.



"MENUJU PUNCAK KEGEMILANGAN"

# Majlis Perasmian MINGGU HALUAN SISWA SESI 2009/2010

UNIVERSITI TEKNIKAL MALAYSIA MELAKA (UTeM)

diadakan oleh:  
DATO' MOHD KHALED BIN NORDIN  
Menteri Pengajian

ALIF MAHMOUD  
Menteri Ma



## MINGGU HALUAN SISWA SESI 2009/2010

Oleh : Mahathir Bin Mazizan



Pada 28 Jun 2009 telah menyaksikan Pusat Sukan, Kampus Induk, UTeM meriah dengan kehadiran pelajar-pelajar baru yang mendaftar bagi sesi 2009/2010. Bagi pengambilan sesi ini, UTeM telah menerima seramai 1,616 orang pelajar baru yang akan mengikuti pengajian dalam bidang teknologi maklumat, mekanikal, pembuatan, elektrik, teknousahawan dan elektronik. Pendaftaran pelajar yang bermula pada jam 8.00 pagi hingga 4.30 petang telah berjalan dengan lancar. Melalui proses pendaftaran yang teratur dan bersistematik, pelajar-pelajar baru hanya mengambil masa 5 hingga 10 minit bermula daripada kaunter Pusat Komputer sehinggalah ke kaunter cenderahati dan seterusnya pelajar bergerak ke kolej kediaman masing-masing.

Minggu Haluan Siswa yang berlangsung pada 28 Jun hingga 3 Julai 2009 diwajibkan kepada semua pelajar baru telah dilaksanakan dengan jayanya. Pelbagai pengisian disediakan untuk pelajar-pelajar baru bertujuan memberi kefahaman kepada pelajar mengenai matlamat, fungsi dan struktur Universiti, memupuk dan menyuburkan nilai-nilai murni umpamanya hormat-menghormati, jujur, tolong-menolong, bertoleransi di samping mempunyai ketahanan dari segi Jasmani, Emosi, Rohani dan Intelektual (JERI). Di samping itu juga, pelajar baru diberi peluang mengenali proses pengajaran dan pembelajaran yang bersistematik serta suasana kehidupan kampus yang ceria dan melahirkan pelajar yang bermotivasi diri, mampu mengurus masa dengan cekap serta berdaya saing dan kompetitif.

UTeM amat berbesar hati kerana Minggu Haluan Siswa pada kali ini telah dirasmikan oleh Menteri Pengajian Tinggi Malaysia, Y.B Dato' Seri Mohd Khaled Bin Nordin pada 30 Jun 2009 dan turut dihadiri oleh Naib Canselor UTeM, Y. Bhg. Prof. Dr. Ahmad Yusoff Bin Hassan. Dalam ucapannya, Dato' Seri Mohd Khaled Bin Nordin mengucapkan tahniah kepada semua pelajar baru yang telah terpilih untuk mengikuti sesi pengajian di UTeM. Para pelajar ini adalah mereka yang telah terpilih di antara 60,000 calon yang memohon untuk melanjutkan pengajian di Institusi Pengajian Tinggi Awam (IPTA) seluruh Malaysia.

Kata beliau lagi, sebagai sebuah IPTA yang masih baru, UTeM telah menunjukkan perkembangan yang membanggakan selain menawarkan proses pengajaran dan pembelajaran yang unik berteraskan aplikasi dan amalan. Bidang Tujuh (Niche Area) iaitu Teknologi Pembuatan Termaju yang telah ditetapkan juga memberi nilai tambah kepada program akademik yang ditawarkan di sini. Beliau juga berharap agar mahasiswa/i yang diterima melanjutkan pengajian di UTeM tidak mensia-siakan peluang keemasan yang telah diberi dengan belajar bersungguh-sungguh agar mampu menjadi modal insan yang akan menyumbang kepada kemajuan teknologi negara sebaris dengan negara-negara maju di dunia.

# Kursus Asas Pengukuhan Pemimpin Orientasi 2009

Oleh : Nur Diyana binti Suparman



23-26 Jun 2009 : Bahagian Hal Ehwal Pelajar & Alumni, UTeM telah menganjurkan Kursus Asas Pengukuhan Pemimpin Orientasi 2009 bertempat di Majlis Sukan Negara, Saujana Asahan, Melaka. Program ini bertujuan membantu dan melatih bakal barisan fasilitator UTeM di dalam mengurus serta melancarkan perjalanan Minggu Haluan Siswa Sesi 2009/2010. Kursus yang disertai seramai 132 orang ini merupakan satu cabaran bagi para pemimpin mahasiswa/i UTeM dalam usaha membantu universiti melahirkan mahasiswa/i yang berkepimpinan dan berkebolehan dalam menguruskan sebarang perkara.



Program selama 4 hari 3 malam ini telah diisi dengan pelbagai aktiviti yang menguji ketahanan fizikal, mental dan spiritual peserta. Antaranya, slot ceramah yang mementingkan aspek penampilan diri dan pengurusan Latihan Dalam Kumpulan (LDK), aktiviti luar yang menguji ketahanan fizikal peserta serta latihan berkomunikasi dengan baik seterusnya meningkatkan keyakinan diri peserta sebelum melangkah ke Minggu Haluan Siswa. Majlis penutup program ini telah disempurnakan oleh Y. Bhg. Prof. Dr. Ahmad Yusoff bin Hassan, Naib Canselor, UTeM.

A Halal logo should not only guarantee that the product does not contain what God has forbidden, it should also indicate that the product was produced by a company that does business in an ethical & morally acceptable manner.

# hafos

## Seminar Makanan Halal (HAFOS) 2009



Oleh : Mohd Ridhwan bin Salamun

UTeM  
HEEPA  
Universiti Teknikal Malaysia Melaka

15-16 Julai, Universti Sains Islam Malaysia (USIM), Nilai, Negeri Sembilan : Universiti Teknikal Malaysia Melaka (UTeM) telah menghantar seramai 17 orang pelajar bagi mengikuti Seminar Makanan Halal (HAFOS) 2009 yang dianjurkan oleh Fakulti Sains dan Teknologi (FST), USIM. Antara pengisian-pengisian yang didedahkan kepada para peserta adalah pembentangan sebanyak 13 buah kertas kerja serta forum yang berkaitan mengenai perundangan, penggunaan bahan ramuan yang baik, kualiti makanan, teknologi pembuatan makanan dan isu-isu globalisasi yang berkaitan dengan makanan halal dan haram.

Majlis Perasmian seminar ini telah disempurnakan oleh YAB Dato' Seri Utama Haji Mohamad Bin Haji Hasan, Menteri Besar, Negeri Sembilan. Selain itu, seminar ini juga turut mengadakan pameran-pameran makanan halal yang terdiri daripada beberapa syarikat pengeluar makanan di Malaysia seterusnya menempatkan gerai-gerai jualan bagi menarik minat peserta atau pengunjung yang hadir pada seminar makanan halal ini.

## ISCO'09



Seramai 10 orang wakil mahasiswa/i Islam UTeM telah menyertai Konvensyen (epimpinan Mahasiswa Islam 2009 (ISCO'09) yang diadakan pada 24 hingga 26 ulai 2009 bertempat di Hotel Putra KL, Kuala Lumpur. Konvensyen anjuran Dewan Amal Hadhari (DAMAI) (Entiti di Bawah Jabatan Perdana Menteri) dengan kerjasama Kementerian Pengajian Tinggi (KPT) dan Jabatan Kemajuan Islam Malaysia (JAKIM) ini telah dihadiri oleh Mahasiswa/i Islam dari 20 buah PTA seluruh negara.

Objektif utama penganjuran konvensyen ini adalah bertujuan memantapkan barisan kepimpinan mahasiswa/i Islam di kampus supaya lebih tersusun dengan aktiviti-aktiviti yang dianjurkan oleh persatuan selain mewujudkan b'ah olehah di kampus. Ia juga bertujuan meningkatkan jalinan ukhuwah dan ilaturrehahim di antara pemimpin mahasiswa/i Islam di setiap Institusi Pengajian Tinggi (IPTA) seterusnya menjadi landasan terbaik kepada pemimpin mahasiswa/i Islam di seluruh negara dalam memanfaatkan penemuan idea baru untuk dilaksanakan kelak.

Program ini telah dirasmikan oleh Y.B Datuk Seri Ahmad Zahid Hamidi, Menteri Pertahanan Malaysia merangkap Pengerusi Kelab DAMAI. Manakala, majlis penutup pula telah disempurnakan oleh Y.AB Datuk Seri Najib Tun Razak, Perdana Menteri Malaysia. Dalam ucapan, beliau menyeru agar mahasiswa/i bergerak secara aktif di kampus supaya menjadi pemimpin yang hebat, berkekrampilan dan berwawasan tinggi dalam meneraju pembangunan negara pada masa akan datang.

Oleh : Muhammad Faris bin Mohd Ra



Oleh : Mohd Afiq bin Harun

9-11 Mei 2009 : Seramai 3 orang peserta dari UTeM telah menyertai Bengkel Tarian Asli Makum 2009 bertempat di Kolej Keenam, Universiti Putra Malaysia (UPM) Serdang, Selangor. Bengkel ini bertujuan mendedahkan dan menambah ilmu pengetahuan tentang tarian zapin, joget, inang dan asli selain mempelajari teknik dan cara yang betul untuk menarikannya. Ia juga sebagai persediaan bagi IPTA seluruh Malaysia yang akan menyertai pertandingan Festival Tari MAKUM (Festari) 2009 pada bulan Oktober ini.

## Bengkel Tarian Rampaian Asli MAKUM 2009

# SIRI 1/2009


19- 21 Jun 2009 : Seramai 150 orang mahasiswa/i telah menyertai Program Bakti Siswa Perdana Siri 1, 2009 anjuran Majlis Perwakilan Pelajar (MPP) UTeM dengan kerjasama Bahagian Hal Ehwal Pelajar dan Alumni bertempat di Gadek, Alor Gajah, Melaka. Program ini adalah bertujuan memberi peluang kepada para mahasiswa/i untuk menganalisis keperluan dan sumbangan yang dapat diberikan kepada masyarakat dengan kepakaran yang dipelajari di universiti bersesuaian dengan saranan Kementerian Pengajian Tinggi iaitu **"Memasyarakatkan Universiti"**.

Bertemakan 'Mahasiswa Pemaju Kemajuan Masyarakat', program sebegini dilihat dapat mendedahkan mahasiswa/i dengan kehidupan bermasyarakat dalam konteks pelbagai kaum, agama dan bangsa. Disamping itu juga, program ini adalah salah satu modul bagi bakal-bakal fasilitator Minggu Haluan Siswa (MHS) 2009/10 untuk melengkapkan diri dengan kemahiran berkomunikasi dan kemahiran insaniah lain. Pelbagai pengisian program telah dirancang bagi mencapai objektif program, antaranya Karnival Bakti Siswa Perdana, Forum Perdana Hal Ehwal Islam, Kenduri Sekampung dan Makan beradat bersama TYT Melaka.

Majlis perasmian penutup dan Majlis Makan Beradat telah disempurnakan oleh Y.B Datuk Hj. Abdul Ghaafar bin Hj. Atan, ADUN Gadek dan turut dihadiri oleh tetamu kehormat iaitu Tun Datuk Seri Utama Mohd. Khalil bin Yaakob, Tuan Yang Terutama Negeri Melaka dan Datuk Seri Haji Mohd Ali bin Mohd Rustam, Ketua Menteri Melaka.



Oleh : Nik Mohd Afiq bin Nik Mohd Arif



# BAKTI SISWA

## SIRI 2/2009



Oleh : Nur Aishah bt. Zainuddin

24-26 Julai 2009 : Exco Perpaduan dan Integrasi Kaum, MPP UTeM dengan kerjasama Bahagian Hal Ehwal Pelajar dan Alumni, UTeM telah menganjurkan dengan jayanya program Bakti Siswa Siri 2/2009 bertempat di Felda Kg. New Zealand, Maran, Pahang.

Objektif penganjuran BAKSIS ini bertujuan mewujudkan semangat perpaduan bukan sahaja di kalangan mahasiswa/i, namun turut melibatkan masyarakat luar selain mendedahkan kepada mahasiswa/i mengenai kehidupan bermasyarakat terutamanya di kawasan luar bandar. Pelbagai aktiviti menarik telah dijalankan sepanjang berlangsungnya program ini. Antaranya sesi motivasi bersama pelajar sekolah rendah, lawatan ke industri kecil sederhana iaitu perusahaan laksa, malam kebudayaan, gotong-royong perdana dan pelbagai lagi.

Majlis perasmian pembukaan telah disempurnakan oleh Pn. Fairojibanu bt. Zainal Abidin, Pengarah Perpaduan dan Integrasi Nasional, Negeri Pahang. Manakala, majlis penutupan pula telah dirasmikan oleh Y.B Dato' Haji Ismail B. Hj. Muttalib, Ahli Parlimen Maran, Pahang. Secara keseluruhannya, program ini mencapai objektif sebagai satu program yang dapat meningkatkan ketrampilan dan kemahiran insaniah di dalam diri mahasiswa/i UTeM khususnya.



Exco Kebudayaan, Kesenian & Warisan, MPP UTeM dengan kerjasama Unit Kebudayaan & Warisan, HEPA telah mengadakan program pertukaran budaya ke Universiti Malaysia Sabah (UMS) pada 17-19 Julai 2009. Program ini adalah bertujuan mengeratkan hubungan dua hala di antara warga UTeM serta warga UMS dan memupuk minat mahasiswa/i dalam dunia seni budaya kebangsaan dan melahirkan rasa cinta terhadap budaya warisan negara.

Selain itu juga, ia dapat melahirkan daya kreativiti dan ketrampilan mahasiswa dengan mencetuskan idea-idea yang mampu meningkatkan nilai seni diperingkat yang lebih tinggi dan memupuk nilai-nilai murni dikalangan mahasiswa dalam menjiwai kehalusan seni, kesabaran dan kerjasama dalam ahli pasukan selain memberi pendedahan kepada pelajar tentang aktiviti kesenian yang masih wujud di Malaysia agar dapat diadakan sebagai satu pengetahuan yang dapat disebarluaskan secara meluas.

Pelbagai aktiviti disajikan antaranya persembahan kebudayaan dan lawatan sekitar kampus UMS iaitu lawatan ke Sekolah Pengajian Seni yang menempatkan studio tarian, muzik dan seni visual, galeri seni dan Dewan Resital. Kami juga berpeluang mempelajari Tarian Magunatip iaitu salah satu tarian etnik Sabah yang juga dipanggil Tarian Buluh seterusnya melawat sekitar Kota Kinabalu untuk menikmati puding kelapa, kelapa bakar dan lukan panggang, sajian istimewa negeri Sabah.

# PERTUKARAN BUDAYA UTeM - UMS




Oleh: Syarifah bte Shahruzzaman



# MINGGU INTERAKSI BERSAMA PENGETUA 2009

Minggu Interaksi Bersama Pengetua 2009 telah berjaya diadakan di Perkarangan Kolej Kediaman UTeM Murni pada 13 hingga 14 Julai 2009. Seramai 800 mahasiswa/i telah bersama-sama memeriahkan program yang dianjurkan oleh Ahli Jawatankuasa Asrama Siswi (JAKSIS) dengan kerjasama Pihak Pengurusan Kolej Kediaman UTeM Murni. Pelbagai aktiviti menarik telah disediakan, antaranya; Taklimat Pengetua dan Penolong Pengurus Asrama, Aktiviti Kerohanian, Sukan dan sebagainya.

Minggu Interaksi ini adalah bertujuan memperkenalkan Ahli Jawatankuasa Asrama Siswi (JAKSIS) Murni kepada para penghuni Kolej Kediaman Murni seterusnya berpeluang berkenalan dengan Pengetua, Felo, Staf serta penghuni kolej Kediaman Murni itu sendiri. Melalui Program seperti ini, para penghuni berpeluang untuk menyatakan pertanyaan atau permasalahan mengenai kolej kediaman yang dihadapi secara terus menerus agar segala permasalahan dapat diperhalusi dan diselesaikan.



Oleh: Abdul Halim bin Mohamad Noh

UTeM Bikers dengan kerjasama Bahagian Hal Ehwal Pelajar dan Alumni, UTeM dan Gabungan Pelajar Melayu Semenanjung (GPMS) cawangan khas UTeM dengan jayanya telah menganjurkan Program Kem Expedisi Minda dan Adikku Cemerlang Siri 1/2009 pada 30 April sehingga 2 Mei 2009 bertempat di PDS Resort & Camp dan Sekolah Rendah Kebangsaan Tanjung Agas, Port Dickson, Negeri Sembilan.

Program yang terdiri daripada 40 orang mahasiswa/i UTeM dan 60 orang pelajar tahun 6 Sek. Ren. Keb. Tanjung Agas ini bertujuan menyemai nilai-nilai kepimpinan, memotivasikan diri dan memupuk semangat setiakawan sesama peserta selain menggalakkan penglibatan mahasiswa/i UTeM khususnya di dalam usaha membantu kerajaan menayakan sistem pendidikan

# KEM EXPEDISI MINDA DAN ADIKKUCEMERLANG



4-7 Mei 2009 : Unit Keusahawanaana, HEPA telah mengadakan Latihan Keusahawanan Siswa (Modul 1 dan 2), Siri 1 bertempat di Pangkor Beach Resort, Pulau Pangkor, Perak. Manakala, pada 17 hingga 19 Jun 2009 program susulan iaitu Latihan Keusahawanan Siswa (Modul 1 dan 2), Siri 2 telah diadakan di Glory Beach Resort, Port Dickson, Negeri Sembilan. Seramai lebih kurang 60 pelajar telah menyertai latihan yang dianjurkan.

Latihan ini bertujuan memberi pengetahuan dan kemahiran menganalisis potensi diri, memberi pengalaman membuat keputusan berkesan seterusnya menganalisis kecenderungan dan kemampuan diri untuk mewujudkan matlamat yang mencabar serta terancang ke arah pencapaian yang cemerlang. Justeru itu, para peserta telah didedahkan dengan pelbagai aktiviti menarik, antaranya ujian keusahawanan menilai diri, menganalisis potensi diri dan lain-lain.

## LATIHAN KEUSAHAWANAN SISWA (MODUL 1 & 2) SIRI 1 & 2, 2009

## Malam Tautan Hati BADAR 09

9 Julai 2009 bersamaan 16 Rejab 1430H : Badan Dakwah Dan Rohani (BADAR), UTeM dengan kerjasama Unit Kerohanian, HEPA telah menganjurkan program Malam Tautan Hati BADAR 09 bertempat di Dewan Utama Fakulti Teknologi Maklumat dan Komunikasi, Kampus Induk UTeM, Durian Tunggal.

Program yang dihadiri seramai 250 orang mahasiswa/i ini disaji dengan pelbagai aktiviti menarik, antaranya; solat berjemaah, pengisian rohani, pembahagian smart group, tayangan montaj dan sebagainya. Selain memperkenalkan kelab BADAR UTeM kepada mahasiswa/i UTeM yang baru menjejakkan kaki di UTeM, program ini juga bertujuan mengeratkan hubungan sesama ahli kelab seterusnya memupuk sifat bekerjasama dan bertanggungjawab dalam menjalankan sesuatu aktiviti yang dirancang.



## PERTANDINGAN DEBAT PERPADUAN DAN INTEGRASI NASIONAL 2009

12-16 Jun, Kota Samarahan, Sarawak : Pertandingan Debat Perpaduan dan Integrasi Nasional 2009 telah berlangsung dengan jayanya selama 5 hari di Universiti Malaysia Sarawak (UNIMAS) bagi mempromosi serta membudayakan perpaduan dan integrasi di kalangan mahasiswa/i pengajian tinggi. Sebanyak 28 buah pasukan daripada pelbagai institusi pengajian tinggi awam mahupun swasta telah menyertai pada kali ini.

Pasukan Universiti Teknikal Malaysia (UTeM) tidak ketinggalan menghantar 4 orang pendebat iaitu Martin Dinil, Shaiful Bakhtiar Bin Rodzman, Naim Husni Bin Latif dan Kong Hong Fai. Berkat kesungguhan, pasukan debat UTeM telah memenangi 4 daripada 6 perlawanan iaitu melawan pasukan UIAM, UTM, UNISEL dan KUIS sekaligus menduduki tempat ke-8 daripada 28 pasukan dan melayakkan pasukan UTeM ke peringkat suku akhir.

Malangnya, pasukan UTeM kalah kepada pasukan UiTM pada peringkat suku akhir iaitu pada hari keempat. Walaupun tidak berjaya di peringkat suku akhir, namun kedudukan pasukan UTeM pada kali ini amat memberangsangkan iaitu pada tangga ke-8. Tahniah!

Oleh : Ahmad Ibrahim Bin Yazirudin



## PERTANDINGAN DEBAT PERDANA INTEGRITI 2009

Oleh : Nor Syuhada binti Che Khalid

15- 19 Mei 2009, Skudai, Johor : Pertandingan Debat Perdana Integriti 2009 telah diadakan di Universiti Teknologi Malaysia (UTM). UTeM turut serta menghantar penyertaan sebanyak satu pasukan yang diwakili oleh 4 orang pendebat iaitu Norsyareman Bin Che Azmi, Shaiful Bakhtiar Bin Rodzman, Nor Syuhada Binti Che Khalid dan Ahmad Syakir Bin Walid.

Pertandingan debat ini adalah bertujuan mempromosi serta membudayakan etika dan integriti di kalangan mahasiswa/i. Sebanyak 32 buah pasukan daripada pelbagai institusi pengajian tinggi telah terlibat dalam menjayakannya. Pada Perlawanan saringan, pasukan Debat UTeM telah memenangi 2 daripada 6 perlawanan menentang pasukan Universiti Sain Islam Malaysia (USIM) dan pasukan swing UTM. Malangnya, pasukan UTeM tidak layak untuk ke peringkat seterusnya dan hanya berjaya menduduki tempat ke-28.

Pada pertandingan kali ini, Universiti Teknologi MARA (UiTM) telah mengungguli juara keseluruhan dan diikuti dengan Universiti Kebangsaan Malaysia (UKM) sebagai naib johan.

## PERTANDINGAN DEBAT KEPENGGUNAAN FOMCA 2009

Pertandingan Debat Kepenggunaan FOMCA 2009 telah diadakan pada 18 hingga 21 Jun 2009 bertempat di Universiti Tun Hussein Onn (UTHM), Batu Pahat, Johor. Pertandingan yang telah berlangsung selama 4 hari adalah bertujuan untuk mempromosi serta membudayakan konsumerisme dan hak-hak pengguna di kalangan mahasiswa/i pengajian tinggi. Pada kali ini, sebanyak 38 buah pasukan daripada pelbagai institusi pengajian tinggi telah menyertai.

UTeM turut menghantar penyertaan sebanyak satu pasukan yang diwakili oleh 4 orang pendebat iaitu Ahmad Ibrahim bin Yazirudin, Shaiful Bakhtiar Bin Rodzman, Nor Syuhada Binti Che Khalid dan Ahmad Syakir Bin Wahid. Pada hari kedua dan ketiga, pasukan Debat UTeM telah memenangi 2 daripada 6 perlawanan iaitu menentang IPG Batu Lintang dan pasukan KM Kuala Nerang serta tidak melayakkan pasukan debat UTeM ke peringkat seterusnya. Kedudukan pasukan UTeM pada pertandingan kali ini ialah pada tangga ke-30.


Walaupun tidak berjaya mengungguli sebarang kategori, di harap delegasi debat UTeM dapat memperbaiki kedudukan dan prestasi pasukan pada tahap yang lebih baik pada masa hadapan.

Oleh : Nor Syuhada binti Che Khalid





Dua



# Pelajar baru UTeM semangat nyanyi lagu Jalur Gemilang

**BERSEMANGAT.** Semangat cintakan negara jelas kelihatan pada pelajar baru Universiti Teknikal Malaysia Melaka (UTeM) apabila menyanyikan lagu Jalur Gemilang dengan penuh bersemangat pada Majlis Perasmian Minggu Haluan

Siswa Sesi 2009/2010 UTeM kelmarin. Majlis yang berlangsung di Dewan Bankuet Seri Negeri, Ayer Keroh itu disempurnakan oleh Menteri Pengajian Tinggi, Datuk Seri Mohamed Khaled Nordin. Turut hadir Naib Canselor

UTeM, Prof. Dr. Ahmad Yusoff Hassan. Bagi pengambilan pelajar baru sesi 2009/2010, UTeM menerima seramai 1,600 pelajar dengan tambahan pelajar jurusan baru iaitu Sarjana Muda Pengurusan Teknologi.



# Tarian joget seni tari Melayu

Tarian joget dipengaruhi kebudayaan Portugis iaitu Bravvo, satu cabang daripada tarian coridinho.



# 'Gengstarz 09' Medan Pelajar UTeM Pamer Bakat

Jasah me... diri pelajar... mantap di...  
Kumpulan... Rosmiza...  
Kumpulan Kawasari UTeM berjaya menggerakkan pelbagai kejayaan sepanjang



Kelab Biker UTeM, GPMS anjur Kem Ekspedisi Minda ke Port Dickson

Penuntut Universiti Teknikal Kebangsaan Melaka mempersembahkan tarian sempena pelancaran Karnival Pendidikan Tinggi di Pusat Dagangan Antarabangsa Melaka (MITC).

Kumpulan Kawasari UTeM berjaya menggerakkan pelbagai kejayaan sepanjang




institit pengajian tinggi awam sampel diuji. h disyaki menghidap H1N1,

AL MELAK  
LAYARI WI-FI PERCUMA  
MISMA NEGARA @ SERI NEGASI @ DISTRIK BANGSAPUTIH @ MALAKA ALAM @ MELAKA SENI JALAN HANG TIAM  
Digital Melaka Harian Vot Melaka Hujung 25

Oleh : Nurain bte Alias

18 - 21 Jun 2009 , Terengganu Darul Iman : Seramai 51 orang peserta telah menyertai X-plorasi Merungkai Badai Belantara bertempat di Gunung Gajah Tenom dan Jeti Lembaga Kemajuan Ikan Malaysia (LKIM) anjuran Kelab Rekreasi dan Sukan Ekstrim (KeReX) dengan kerjasama Unit Alumni & Kerjaya, Hal Ehwal Pelajar & Alumni, UTeM. Gunung Gajah Tenom adalah gunung yang terletak di antara Air Terjun Sekayu, Kuala Berang dan Air Terjun Lansir, Tasik Kenyir, Terengganu Darul Iman. Gunung ini mempunyai ketinggian 1206m dari aras laut (3958 ft).

Pelbagai aktiviti disediakan melalui ekspedisi ini, antaranya mendaki Gunung Gajah Tenom dan mencandat sotong. Objektif utama ekspedisi ini adalah untuk memupuk semangat kerjasama, perpaduan dan menjalinkan hubungan silatur-rahim sesama peserta. Peserta juga secara tidak langsung dapat menimba pengalaman baru dalam mempelajari teknik-teknik yang betul untuk mencandat sotong dan dapat menguji ketahanan fizikal serta mental peserta untuk menawan puncak gunung. Rasa cinta dan hormat kepada alam semulajadi dapat disemai dalam diri setiap peserta.



# X-PLORASI BADAI MERUNGKAI BELANTARA

## REGIONAL CONVENTION

28-30 Mei 2009, Indonesia : "Regional on Student Development-Nurturing Student Leadership Talent" telah diadakan dengan jayanya bertempat di Putra Ball Resort, Bali. UTeM telah menghantar seramai 5 pucuk pimpinan Majlis Perwakilan Pelajar (MPP) bagi menyertai konvensyen ini dan turut disertai oleh wakil Majlis Perwakilan Pelajar (MPP) dari Seluruh IPT di seluruh Malaysia, Indonesia dan Brunei. Antara objektif utama konvensyen adalah membincangkan mengenai teknik-teknik untuk melahirkan pucuk pimpinan masa hadapan yang berdaya saing seterusnya membentuk semangat jati diri di kalangan pemimpin-pemimpin pelajar.

Oleh : Nurul Diyana bte Mat Zain

Oleh : Mohd. Fakhru Nizam bin Husain



Quranic Generation (GenQ), Sekretariat Exco Kerohanian Majlis Perwakilan Pelajar UTeM dengan kerjasama Unit Kerohanian, Bahagian Hal Ehwal Pelajar & Alumni UTeM telah mengajurkan program "A Time For Ukhuwah" pada 11 Julai 20 bertempat di Balai Cerap Al-Khawarizmi dan Tanjung Bidara, Melaka.

Program yang telah disertai seramai 60 orang mahasiswa/i ini adalah bertujuan memperkenalkan Quranic Generation (GenQ) kepada warga UTeM sebagai sebuah unit yang baru ditubuhkan di bawah Sekretariat Exco Kerohanian, MPP UTeM selain meningkatkan keyakinan dalam diri sendiri mahasiswa/i untuk bergerak aktif di dalam akademik mahupun ko-kurikulum. Pelbagai aktiviti disajikan kepada para peserta, antaranya Sesi Tayangan ilmiah, Quran & Sains, Tazkirah dan pelbagai lagi.



## ON STUDENT DEVELOPMENT

Hal Ehwal Pelajar & Alumni

# BENGKEL PEMANTAPAN SENI DIKIR BARAT 2009



Oleh : Mohd Khairul Naim

17-19 Julai 2009: Seramai 40 orang mahasiswa/i telah menyertai Bengkel Pemantapan Seni Dikir Barat 2009 anjuran Kelab Dikir Barat Sri Kejora, UTeM dengan kerjasama Unit Kebudayaan dan Warisan, Bahagian Hal Ehwal Pelajar & Alumni UTeM. Bengkel yang diadakan di Nube Training Centre, Port Dickson, Negeri Sembilan ini adalah bertujuan untuk menggilap dan mengasah bakat peserta di dalam seni muzik dikir barat selain memupuk semangat kerjasama berpasukan dalam menjadikan seseorang itu berdaya saing dan bertanggungjawab.

Bengkel ini juga bertujuan mengeratkan hubungan sesama ahli kelab seterusnya memupuk integrasi kaum, bangsa dan agama dalam melahirkan rasa bersatu padu dan bekerjasama. Pelbagai modul pengisian disediakan bagi menjayakannya. Antaranya; Slot Pengenalan, Teknik Dalam Dikir Barat, Pemilihan Lagu, Kerjasama Awok-Awok dan pelbagai lagi.



# BENGKEL PENYELARASAN PELAKSANAAN PROGRAM SEKRETARIAT PENCEGAHAN RASUAH IPT 2009

Oleh : Mahathir bin Mazizan

18-20 Mei 2009 : Suruhanjaya Pencegahan Rasuah Malaysia (SPRM) telah menganjurkan Bengkel Penyelarasan Pelaksanaan Program Sekretariat Pencegahan Rasuah IPT 2009 bertempat di Hotel Allson Klana, Putra Nilai, Negeri Sembilan. Bengkel ini telah disertai seramai hampir 80 orang peserta yang mewakili Institut Pengajian Tinggi Awam Malaysia (IPTA). Bengkel ini bertujuan menyelaras urusan berkaitan pelaksanaan Program pencegahan rasuah sama ada dianjurkan oleh Suruhanjaya Pencegahan Rasuah Malaysia (SPRM) atau badan-badan Pertubuhan Pelajar.

Selain memberikan panduan dan informasi mengenai cara-cara pengendalian program-program pencegahan rasuah dan menyampaikan maklumat-maklumat aktiviti yang dianjurkan, ia juga berperanan menjadi organisasi pengantara di antara Bahagian Hal Ehwal Pelajar & Alumni (HEPA), SPRM dan Pelajar di dalam pelaksanaan program - program pencegahan rasuah.



BENGKEL PENYELARASAN PELAKSANAAN SEKRETARIAT PENCEGAHAN RASUAH IPT  
HOTEL ALLSON KLANA PUTRA NILAI, NEGERI SEMBILAN  
18-20 MEI 2009



# إهيا' رمضان (ahlan wasahlan ya Ramadhan) رمضان

Oleh : Mohd Ridhwan bin Salamun

27 Ogos 2009 bersamaan 6 Ramadhan 1430H : BADAR (Badan Dakwah dan Rohani) dengan kerjasama Unit Kerohanian, Bahagian Hal Ehwal Pelajar & Alumni, UTeM telah menganjurkan Program Ihya' Ramadhan (Ahlan Wasahlan Ya Ramadhan) bertempat di Masjid Al-Alami, MITC, Ayer Keroh. Program yang telah dihadiri seramai 500 orang ini bertujuan meraikan dan mengimarahkan Bulan Ramadhan dengan mengadakan majlis berbuka puasa dan tazkirah.

Majlis pada malam tersebut diserikan lagi dengan tazkirah yang disampaikan oleh penceramah jemputan yang dijemput khas daripada luar iaitu Ustaz Hj. Mohd Nazri B. Hj. Zainal. Diharap agar program seperti ini dapat diadakan bagi tahun-tahun yang akan datang sebagai kesinambungan aktiviti kerohanian di peringkat universiti.




## KONVENSYEN KEBANGSAAN MAJLIS PERWAKILAN PELAJAR IPTA KALI KE-3

UNIVERSITI TEKNIKAL MALAYSIA MELAKA

Oleh : Nur Farah Anis bte Abd Aziz

15-19 Mei 2009, Batu Pahat, Johor : Ahli Majlis Perwakilan Pelajar Universiti Teknikal Malaysia Melaka (UTeM) telah menyertai Konvensyen Kebangsaan Majlis perwakilan Pelajar IPTA 2009 bertempat di Universiti Tun Hussein Onn Malaysia (UTHM). Konvensyen ini merupakan acara tahunan yang dianjurkan oleh Majlis Kepimpinan dan Latihan Universiti-universiti Malaysia (MAKLUM) di bawah Sekretariat Timbalan-Timbalan Naib Canselor (HEPA) IPTA.

Dengan bertemakan "Mahasiswa Teras Pembangunan Modal Insan Cemerlang", konvensyen ini bertujuan memberi pendedahan dan pengalaman kepada barisan pucuk pimpinan pelajar mengenai dasar-dasar negara, integriti dan kepimpinan. Majlis perasmian konvensyen ini telah disempurnakan oleh Y.B Dato' Seri Khaled Nordin, Menteri Pengajian Tinggi Malaysia . Diharap, pengajuran program ini mampu membentuk dan melahirkan barisan pucuk pimpinan pelajar yang bersemangat kental seterusnya meningkatkan sahsiah diri yang cemerlang, gemilang dan terbilang.





Oleh: Mahathir bin Mazizan

12 - 15 Mei 2009 : Universiti Utara Malaysia (UUM) dengan kerjasama Kementerian Pengajian Tinggi Malaysia (KPT) telah menganjurkan bengkel TOT Siri 1 Himpunan Patriot Negara atau dikenali sebagai Bengkel **HIMPUN** bertempat di Awana Hotel & Resorts, Genting Highlands, Pahang. Bengkel Siri Pertama ini telah disertai seramai 250 orang peserta yang mewakili setiap Institusi Pengajian Tinggi Malaysia (KPT). UTeM tidak terkecuali dalam menyertai dan menghantar seramai 12 orang staf yang terdiri daripada Ketua Timbalan Pendaftar dan Ketua-ketua Unit HEPA.

Manakala, pada 10 hingga 13 Julai 2009, UUM sekali lagi menganjurkan Bengkel TOT Siri Kedua HIMPUN bertempat di Palm Garden IOI Resort, Putrajaya. Objektif utama pengajuran bengkel TOT HIMPUN ini adalah bertujuan memantapkan patriotisme dalam membentuk modal insan, mengukuhkan perpaduan di kalangan mahasiswa/i dan meningkatkan jaringan antara mahasiswa/i pelbagai universiti seterusnya meningkatkan kefahaman pelajar terhadap isu-isu dan nilai demokrasi dan integrasi.



## BENGGKEL TOT HIMPUN SIRI 1 & 2

Kem Pemantapan Organisasi Kolej Kediaman UTeM Murni (Pemangkin 2009) telah diadakan di Eagle Ranch Resort, Port Dickson, Negeri Sembilan pada 17 hingga 19 Julai 2009. Program anjuran Exco Pembangunan Insan, Jawatankuasa Asrama Kolej Kediaman UTeM Murni, HEPA ini telah disertai seramai 80 orang pelajar yang terdiri daripada wakil-wakil rumah, sekretariat kolej kediaman serta JAKSIS.

Bertemakan "Satu Kolej, Satu Harapan," program ini diharap dapat memantapkan struktur jawatankuasa kolej kediaman selain melahirkan semangat kecintaan kepada kolej kediaman seterusnya menyatukan mahasiswa/i kolej dengan memberi pendedahan dan segala maklumat kepada peserta berkaitan perancangan kolej dalam usaha menyemarakkan rasa cinta dan sayangkan kolej kediaman di kalangan mahasiswa/i.

Dengan matlamat menonjolkan kepentingan semangat bekerjasama dalam pasukan bagi melahirkan satu struktur pentadbiran yang mantap, kem ini diharap menjadi pemangkin kepada kegemilangan kolej kediaman khasnya dan universiti pada umumnya.

Oleh: Abdul Halim bin Mohamad Noh

# PEMANGKIN 2009





Y.B Timbalan Menteri Pengajian Tinggi Malaysia, Y.B Datuk Saifuddin bin Abdullah telah berbesar hati untuk 'turun ke padang' pada 15 Julai 2009 bagi meluangkan masa berkenalan beramah mesra dengan staf-staf di Pejabat HEPA serta barisan MPP dan para mahasiswa/i UTeM yang rata-ratanya diwakili pemimpin-pemimpin kelab dan persatuan.

Lawatan beliau ke UTeM adalah bersempena tempoh 100 hari perkhidmatan sebagai Timbalan Menteri Pengajian Tinggi (KPT). Dalam sesi perkongsian tersebut, beliau telah sudi berkongsi pengalaman semasa berkhidmat di Bahagian Hal Ehwal Pelajar & Alumni, Universiti Islam Antarabangsa Malaysia (UIAM) suatu ketika dahulu. Beliau juga turut berkongsi idea dan pandangan beliau untuk meningkatkan martabat pembangunan pelajar dan menjadikan ia sentiasa relevan dengan persekitaran masa.

Oleh : Idamurni Bte. Ismail

Perjumpaan tersebut yang berlangsung selama 4 jam, amat bermakna bagi semua yang hadir kerana inilah peluang yang jarang diperolehi di mana seorang pemimpin telah bertemu secara langsung dengan mahasiswa/i dan mendengar permasalahan serta pandangan yang dikemukakan oleh mahasiswa/i itu sendiri.

## **Majlis Perjumpaan Y.B Timbalan Menteri Pengajian Tinggi Malaysia bersama Majlis Perwakilan Pelajar (MPP), Staf HEPA dan Mahasiswa/i.**

# ADIKKU SAYANG 2009

leh : Nur Diyana binti Suparman

Program Motivasi Adikku Sayang 2009 anjuran MPP UTeM dengan kerjasama Kelab Penyayang, Kelab Pembimbing Rakan Sebaya (PRS) dan Unit Kaunseling, HEPA telah berlangsung pada 11 Julai 2009 bertempat di Auditorium UTeM, Kampus Induk, Durian Tunggal. Program ini merupakan kolaborasi antara UTeM dan Majlis Guru Besar Daerah Melaka Tengah di bawah Jabatan Agama Islam Melaka (JAIM).

Program yang disertai seramai 124 orang yang terdiri daripada murid-murid Sekolah Rendah Agama (SRA) seluruh Daerah Melaka Tengah ini bertujuan memberi bimbingan berbentuk motivasi kepada murid-murid yang bakal menduduki Ujian Penilaian Kursus KAFA sekitar bulan Oktober ini seterusnya merapatkan jurang perbezaan antara universiti dan masyarakat setempat. Hal ini selaras dengan saranan Kementerian Pengajian Tinggi (KPT) yang menyeru agar universiti membangun bersama-sama masyarakat di sekelilingnya.

Pengisian program sehari ini telah diisi dengan pelbagai slot menarik, antaranya ceramah motivasi, sesi Latihan Dalam Kumpulan (LDK) yang membantu mereka mengatur masa dan tips-tips pemantapan potensi diri bagi meningkatkan keyakinan diri dalam menghadapi UPKK. Slot ceramah tersebut telah disampaikan oleh Y. Bhg. Prof. Dr. Zolkepli bin Buang, Dekan HEPA UTeM. Manakala, majlis penutup telah disempurnakan oleh Pn. Laila binti Baba, Pengerusi Majlis Guru Besar, Daerah Melaka Tengah.




UTeM

Oleh : Shahrulfadli bin Yahaya

Festival DEKON MAKUM 2009 merupakan salah satu acara tahunan yang dianjurkan oleh Majlis Kebudayaan Universiti-universiti Malaysia (MAKUM). DEKON yang membawa erti DEKLAMASI LAKON telah difestivalkan pada 13 hingga 18 Mei 2009 bertempat di Universiti Malaysia Sabah (UMS), Kota Kinabalu, Sabah. Pada festival kali ini, kumpulan Teater Kasawari UTeM telah menyertainya buat pertama kali dan mempertaruhkan 4 orang pelajar sebagai teraju utama dan krew teknikal.

Meskipun tidak mendapat tempat di hati juri namun pementasan pertama kali itu telah banyak memukau hati penonton yang menyaksikannya. Melalui penyertaan ini, sedikit sebanyak memberi impak yang besar kepada peserta seterusnya menjadi pemangkin kepada mereka agar lebih bekerja keras untuk membuat yang terbaik di masa akan datang. Selain itu juga, UTeM turut disebut sebagai universiti yang berteraskan teknikal namun tidak terpinggir dalam mempertahankan seni budaya bangsa khususnya dalam seni pementasan teater.



# FESTIVAL DEKON MAKUM 2009

# Rehlah Mahabbah 2009



Oleh : Muhammad Firdaus Bin Baharuddin

Badan Dakwah Dan Rohani (BADAR), UTeM dengan kerjasama Unit Kerohanian, HEPA telah menganjurkan Program Rehlah Mahabbah 2009 yang diadakan pada 11 Julai 2009 bersamaan 18 Rejab 1430H bertempat di Taman Botanical, Ayer Keroh, Melaka. Objektif utama program ini adalah untuk memantapkan sahsiah diri dalam aspek-aspek kerohanian dan fizikal selain mendidik mahasiswa/i mengamalkan setiap perkara dengan berhikmah dalam mengharungi era globalisasi masa kini.

Selain dapat menyedarkan mahasiswa/i betapa pentingnya ilmu, iman, akhlak, moral dan etika sebagai tembok penghalang segala nista di dunia, program ini juga bertujuan menyedarkan mahasiswa/i betapa pentingnya mendalami ilmu agama terutama di peringkat remaja untuk diamatkan dalam kehidupan serta menimbulkan rasa kepekaan terhadap masalah yang berlaku kini terutamanya yang membabitkan umat Islam sejagat. Program yang disertai seramai 250 orang ini telah diisi dengan pelbagai acara ilmiah dan riadah, antaranya; senaman pagi, ice-breaking, ceramah, Treasure Ad-Deen dan pelbagai lagi.



## UTeM ke-9 terbaik Karnival Sukan MASUM 2009

13-28 Mei 2009 : Kontigen Universiti Teknikal Malaysia Melaka (UTeM) muncul di tempat ke-9 terbaik daripada keseluruhan 20 Institut Pengajian Tinggi Awam Malaysia (IPTA) pada Karnival Sukan MASUM 2009 yang berlangsung di Universiti Utara Malaysia (UUM), Sintok, Kedah. Kedudukan ini merupakan pencapaian terbaik UTeM dalam sejarah penyertaan Karnival Sukan MASUM semenjak dari penyertaan pertama iaitu pada tahun 2001.

Karnival Sukan MASUM merupakan acara sukan tahunan yang bertaraf kebangsaan serta menghimpunkan atlet terbaik dari setiap universiti bagi mencari juara mutlak dalam setiap acara yang dipertandingkan. Pasukan Karate-do & lawn bowl menjadi penyumbang pingat terbanyak kepada kontigen UTeM pada kejohanan kali ini. Skuad karate-do menyumbang 2 Emas dan 1 Perak sekaligus merangkul Johan Keseluruhan bagi kategori berpasukan lelaki.

Manakala, skuad futsal lelaki, bola tampar wanita, badminton wanita & ping pong lelaki juga mencatat pencapaian membanggakan dengan melayakkan diri ke peringkat suku akhir seterusnya membuktikan kontigen UTeM mempunyai pasukan yang begitu mantap. Majulah sukan untuk UTeM. Tahniah diucapkan!

JADUAL KUTIPAN PINGAT KARNIVAL SUKAN MASUM 2009

BILANGAN	UNIVERSITI	EMAS	PERAK	GANGSA	JUMLAH
1	Universiti Teknologi MARA	39	24	24	87
2	Universiti Malaya	15	18	13	46
3	Universiti Putra Malaysia	15	16	9	40
4	Universiti Islam Antarabangsa Malaysia	15	13	11	39
5	Universiti Kebangsaan Malaysia	9	5	14	28
6	Universiti Teknologi Malaysia	5	9	21	35
7	Universiti Utara Malaysia	4	10	19	33
8	Universiti Sains Malaysia	4	8	4	16
9	Universiti Teknikal Malaysia Melaka	3	2	3	8
10	Universiti Pendidikan Sultan Idris	2	4	8	14
11	Universiti Malaysia Sabah	1	3	1	5
12	Universiti Sains Islam Malaysia	1	2	8	11
13	Universiti Pertahanan Nasional Malaysia	1	1	7	9
14	Universiti Tun Hussein Onn Malaysia	1	1	2	4
15	Universiti Malaysia Perlis	1	1	2	4
16	Universiti Malaysia Pahang	1	-	5	6
17	Universiti Malaysia Terengganu	-	-	5	5
18	Universiti Malaysia Sarawak	-	-	1	1
19	Universiti Malaysia Kelantan	-	-	1	1
20	Universiti Darul Iman	-	-	-	-
<b>JUMLAH</b>		<b>117</b>	<b>117</b>	<b>158</b>	<b>397</b>



# Info Penempatan Pelajar

Penginapan		Kapasiti	Catatan	
<b>Taman Tasik Utama</b>		2	252	Siswi
		3	576	Siswi
		Murai Jaya	256	
<b>Bunga Raya</b>		A	512	Siswa
		B	270	Siswi
		Emerald	545	Siswa
<b>Murni</b>		Pangsapuri	925	Siswa
		D'Apartment	96	Siswi
<b>Jumlah</b>			<b>3432</b>	

\* Statistik Penginapan Pelajar UTeM Sesi 2009/2010



# Info Alumni

Tahun Pengajian	Status Pekerjaan								Jumlah Besar
	Bekerja		Melanjutkan Pelajaran		Belum Bekerja		Jumlah		
	Bil	%	Bil	%	Bil	%	Bil	%	
2005	343	77.7	76	17.1	25	5.6	444	100.0	444
2006	350	35.3	190	19.2	451	45.5	991	100.0	991
2007	534	40.5	218	16.5	567	43.0	1,319	100.0	1,319
2008	722	50.6	175	12.3	531	37.1	1,428	100.0	1,428
Jumlah	1,949	46.6	659	15.8	1,574	37.6	4,182	100.0	4,182

Rumusan Hasil Kajian Pengesanan Graduan UTeM 2005-2008

1) UTeM telah melahirkan alumni seramai 4,182 orang bermula pada Majlis Konvokesyen Pertama hingga Keempat. Bilangan ini akan terus meningkat pada masa hadapan. Senario semasa menunjukkan bahawa telah wujudnya Persatuan bagi menggerakkan pelbagai aktiviti bersama bagi membantu mahasiswa/i dan bakal graduan.

2) Pembudayaan Alumni dan keberkesanan aktiviti secara berterusan dapat menanamkan semangat cintakan alma meter kepada Universiti dan memupuk semangat pemuafakatan bagi mengekalkan jaringan yang kukuh antara alumni dan Universiti.

3) Peranan Alumni ialah memupuk golongan mahasiswa/i di peringkat awal bermula dengan Minggu Haluan Siswa bagi memastikan pembudayaan alumni berterusan dan berkesan. Jalinan kerjasama antara Alumni dan Universiti dilihat memberi kebaikan dalam perkembangan universiti untuk menjadi universiti yang utama dalam bidang pengajian teknikal.

4) Maklumbalas diperolehi dari Persatuan Alumni UTeM (AUTeM) dari segenap segi dari pengajaran dan pembelajaran, keperluan industri serta pembentukan sahshiah pelajar.

# Sekalung Tahniah

Selamat Pengantin Baru diucapkan kepada kakitangan HEPA UTeM yang telah mendirikan rumahtangga. Semoga berbahagia hingga ke akhir hayat.

Tahniah diucapkan kepada kakitangan HEPA yang telah menerima "Kehadiran" ahli baru dalam keluarga. Semoga dengan hadirnya ahli baru ini menambahkan lagi kebahagiaan rumahtangga.

Pn. Sri Kartini Rahayu binti Nordin  
Pembantu Tadbir (P/O), Bahagian Pembangunan Pelajar  
Nama Anak : Muhammad Adam Darwisy  
bin Noor Rahman Jamiah

Tarikh Lahir : 14 Ogos 2009  
Tempat Lahir : Hospital Besar Melaka



En. Mohd Saifuan bin Baidin, Pembantu Tadbir (P/O), Unit Kerohanian yang telah onduar dalam rumahtangga bersama wanita idamannya, Pn. Noor Khairati binti Hj. Abu Bakar pada 7 Jun 2009 bertempat di Kg. Masjid, Bukit Piatu, Melaka.



Puan Norhafizah binti Md Yusoff, Penolong Pendaftar, Unit Kebajikan Pelajar yang telah mendirikan rumahtangga bersama jejaka idamannya, En. Muzaine bin Rahman pada 22 Mei 2009 bertempat di Batu Berendam, Melaka.

## Lantikan Pengetua dan Felo

uletin HEPA mengambil kesempatan ini untuk mengucapkan etinggi-tinggi tahniah kepada para penerima Anugerah Perkhidman Cemerlang yang telah mempamerkan prestasi cemerlang pada ahun 2008. Semoga kejayaan yang dicapai dapat mendorong rakan erkerja HEPA @ UTeM untuk terus berusaha ke arah tahap luar biasa eriring memartabatkan budaya kerja berpasukan dan erpandangan jauh seperti yang diharapkan oleh Naib Canselor.



Nama : Cik Mahanum binti Mohd Zamberi  
Jawatan : Pengetua Kolej Kediaman UTeM Taman Tasik Utama & Taman Murai Jaya



Nama : Pn. Musliha binti Yusoff  
Jawatan : Felo Siswi Kolej kediaman UTeM D' Apartment



Nama : Cik Aida bte Salleh  
Jawatan : Felo Siswi Kolej Kediaman UTeM Bunga Raya



Nama : En. Redza Azri bin Ramlee  
Jawatan : Felo Siswa Kolej Kediaman UTeM Emerald



Nama : Pn. Wizana bte Abd. Jalil  
Jawatan : Felo Siswi Kolej Kediaman UTeM Taman Tasik Utama



Nama : En. Zulkifli bin Ishak  
Jawatan : Felo Siswa Kolej Kediaman UTeM Murai Jaya



Nama : En. Hafizi bin Mohamad  
Jawatan : Felo Kolej Kediaman Luar (Kaw. Taman Tasik Utama)



Nama : En. Hassan bin Adnan  
Jawatan : Felo Kolej Kediaman Luar (Kaw. Ayer Keroh)



erdiri di belakang dari kiri : Pn. Sulaina bt. Kamarudin, Pn. Siti airus bt. Abu Bakar (kini di Pejabat Pendaftar), Pn. Sharniza bt. ainudin (kini di Fakulti Kejuruteraan Mekanikal) dan Pn. afedah bt. Sajadi (kini di Pejabat Pendaftar).

uduk di hadapan dari kiri : En. Shahrom bin Mohd Said, Pn. Mazne t. Jaaffar dan En. Fadzly bin Nordin.

# Sidang Redaksi



**Penaung -** Y.Bhg Prof Dr. Zolkepli bin Buang

**Penasihat -** En. Zainal bin Bidin

**Editor -** En. Mahathir bin Mazizan

**Pengarang -**  
Dr. Raffidah binti Haron  
Dr. Muhamad Takrimi Bin Shahabudin  
En. Zulkifli bin Sharif  
En. Abd Halim Hakim bin Abd. Aziz  
Cik Mahanum binti Mohd Zamberi  
En. Hassan bin Attan

En. Ahmad Faizal bin Abdul Rahman  
Pn. Nurhafizah binti Md. Yusof  
En. Amir bin Ali  
En. Tinta Firmannika bin Selamat  
Pn. Rafidah binti Md. Dusa

En. Zainuddin bin Abdul Hamid  
Pn. Musliha binti Yusoff  
Cik Hadibah binti Tahir

**Pembaca Pruf -**

**Publisiti & Promosi -**

**Grafik & Foto -**

Pn. Idamurni binti Ismail  
Pn. Mazne binti Jaaffar

Pn. Nazhatul Shima binti Abu Samah  
Pn. Sabrina binti Hj. Saleh

En. Safuan bin Bidin  
En. Fadzly bin Ghazali

**Penerbit**  
Bahagian Hal Ehwal Pelajar dan Alumni (HEPA)  
Universiti Teknikal Malaysia Melaka (Kampus Induk),  
Karung Berkunci No.1752,  
Pejabat Pos Durian Tunggal,  
76109, Durian Tunggal, Melaka.

**Terima Kasih dan Penghargaan :**  
Bahagian Hal Ehwal Pelajar & Alumni  
Bahagian perhubungan Awam & Korporat (BPAK)  
Tel: 06 - 331 6044 / 6236  
Faks: 06 - 331 6116 / 6222  
Web: <http://www.utem.edu.my/hepa>